

HOUTMAN, H., Kapsalon "Kru1". (Sketch).

0.71

Kapsalon 'Krul'

Speulers: K een nep-Kapper
S Sjef, klaant, een Belgische kampeerder
G Geeske, een klaant
B de échte kapper

K. is op et teniel. Hi'j zol op'e kapsalon passen, omdat de kapper even vot mos. Hi'j is aorig an de draank. Hi'j drinkt krek zien glassien leeg en doet een witte kappersjasse an. (et liekt dr op, dat hi'j de échte kapper is, die an de draank is)

K: ..Niet drok vandemorgen. Hoeft ok niet, ik vermaek me wel mit disse flesse. Es even kieken of alles nog op zien plak ligt. Nog even een slokkien. (drinkt weer iene)

S: (komt op as kampeerder. Praot mit Belgisch accent)
Goedemorgen kapper. Kunt U mij knippen en scheren?

K: (schrikt even) Watte...wat moet ik doen?

S: U bent toch de haarsnijder hier? Ik wil geknipt worden en ook geschoren.

K: O, jazeke, ik bin de kapper...eh...(geft him joviaal de haand)... Krul is de naeme. Tienus Krul.

S: Ik ben Sjefke Valckx, ik sta hier met mijn tent op de camping.

K: En...jow wollen dus...eh...deur mi'j knipt wodden.(now overdreven zeker van him zels) Mar dat kan, dan bi'j' hier op et goeie adres! Gao zitten. Ik neem eerst even wat te drinken heur. Jow ok wat?

S: Een pinteke graag.

K: Die he'k niet, wel een jonge. (S. schudt van Nee) Ik zal je de (kap)maantel ommedoen. (dit gaot hiel stuntelig en bibberig, eerst achterste-veuren) Zo en now za'k de messen sliepen. (Pakt een oold scheermes en sliapt dat mit een lepel!) Zo disse is klaor. Waacht, eerst de busse mit schoem.

S: Schuim? Zeept U niet in met de zeep en de kwast?

K: Welnee, ik bin een mederne kapper. (pakt een busse scheer-schoem en spuit S. hielendal onder. Pakt ok weer een borrel)

S: Kunt U zo de baard nog wel zien?

G: (komt op) Wat is hier gaonde? Ik bin toch niet bi'j de bakker?

K: (Betien dreigend) Zitten jow! Ie bin nog lang niet an de beurt! (G schrikt en doet wat heur zegd wodt) Ik daenke da'k jow haar eerst mar es knippe. Welke schere za'k bruken? (pakt een grote en zwaait d'r mit)